

Lawv muab Yexus ntsia rau saum ntoo khaublig.

Philaj sau ib daig ntawv lo rau saum Yexus tus ntoo khaublig hais tias, Tus Yexus uas yog neeg Naxales, nws yog cov neeg Yudais tus vajntxwv. (Yauhas 19:1-6, 16-19)

374

YEXUS SAWV HAUV QHOVTUAG LOS

Hnubcaiv dhau lawm, hnub ib thaum kajntug txoog Maivlaag Madalas thiab tus Maivlaag i, mus xyuas lub qhovntxa.

Tamsim ntawd ntajteb ua zog koog heev, Vajtsvv ib tug tubtxib saum Ceebtsheej los muab daim lagzeb uas npog lub rooj ntxa dov tawm, thiab nws zaum saum daim lagzeb ntawd.

Nws lub ntsejmuag ci ib yam li xobclaim, thiab nws cev tsoostsho dawb paug ib yam li tej daus. Cov tubrog uas zov lub qhovntxa, ntshai tshee na txhav tas ib yam li cov neeg tuag lawm.

Tus tubtxib hais rau ob tug pojniam ntawd hais tias, neb tsis txhob ntshai. Kuv paub hais tias, neb tuaj nrhiav tus Yexus uas lawv muab ntsia rau saum ntoo khaublig.

Nws tsis nyob ntawm no, Vajtsvv twb tsa nws sawv lawm raws li tej lus nws twb xub qhia tseg lawm. Neb cia li los xyuas qhovchaw uas lawv tso nws lub cev cia.

Neb kavtsij rov qab mus qhia rau nws cov thwjtum hais tias, Vajtsvv twb tsa nws sawv hauv qhovtuag rov qab los lawm. Nws yuav ua nej ntej mus pem Kalilais tebchaws, thiab nej yuav ntsib nws ped. Kuv lus muaj li no xwb.

Ob tug pojniam ntawd tawm nrawm nroos ntawm lub qhovntxa rov qab mus, nkawv ntshai los ntshai, zoo siab los zoo siab, nkawv sib tw khiav mus qhia rau Yexus cov thwjtum paub.

Thaum nkawv tabtom khiav rov mus, nkawv mus ntsib Yexus. Yexus hais rau nkawv hais tias, thov kom neb tau zoo nyob kajsiab lug. Nkawv txawm los tuav nkaus Yexus ob txhais kotaw pe nws.

Yexus hais rau nkawv hais tias, neb tsis txhob ntshai. Neb cia li mus qhia kuv cov thwjtum kom lawv mus pem Kalilais tebchaws, lawv yuav pom kuv ped. (Mathais 28:1-10)

Hnub ib thaum tsaus ntuj cov thwjtum tuaj nyob ua ke hauv ib lub tsev. Lawv xauv qhovrooj zoo zoo huv tibsi, rau qhov lawv ntshai cov neeg Yudais tej nomtswv. Thaum ntawd Yexus los sawv hauv lawv nruab nrab. Yexus hais rau lawv hais tias, "nej cia li nyob kajsiab lug."

Thaum Yexus hais li ntawd tas, Yexus cev nws ob txhais tes, thiab thws nws sab tav rau lawv saib. Lawv zoo siab kawg li rau qhov lawv twb pom tus Tswv lawm.